

Rekiuunivaalit 2026

13 syyskuuta 2026 piethään vaalit rekiuunivaltuustoon. Kun sie äänestät, sie olet mukana päättämässä, kukka pulitiikkerit pitävät ohjata Region Stokholmia tulevilla neljän vuen aikana.

Mitäs rekiuunivaalit koskevat?

Rekiuunivaalit koskevat asioita, jotka vaikuttavat sinun arkipäivää. Region Stokholmi on vastuussa terhveys- ja siukkahoijosta, kolektiivitrafiikista, rekiuunaalisesta kehityksestä ja vaikuttaa läänin kulttuurielämhään.

Kuinkas sinun ääni saattaa vaikuttaa?

Kun sie äänestät, sinun ääni vaikuttaa mikkä partiit ja pulitiikkerit pitävät päättää Region Stokholmia. Rekiuunivaltuuston pulitiikkerit päättävät muun muassa:

- kuinka Region Stokholmin rahat käytethään
- kuinka korkea rekiuunin vero pittää olla
- kuinka terhveys- ja siukkahoito ja kolektiivitrafiikki pittää kehittää
- mikkä pulitiikkerit pitävät istua jokhaisessa lautakunnassa eli johtokunnassa.

Kukas saapi äänestää?

Sulla on oikeus äänestää rekiuunivaalissa, jos sie:

- olet täyttäny 18 vuotta viimisthään vaalipäivänä,
- olet Ruottin kansalainen ja väestörejistreerattu Stokholmin läänissä, eli
- jonku EU-maan, Islannin eli Norjan kansalainen ja väestörejistreerattu Stokholmin läänissä, eli
- muun maan maan kansalainen eli ilman kansalaisuutta, ja olet ollu väestörejistreerattu Ruottissa vähinthään kolme vuotta peräkkää ennen vaalipäivää, ja olet väestörejistreerattu Stokholmin läänissä.

Säännöt jällaavat sinua joka asut Ruottissa ja sinua joka asut ulkomaila mutta olet vieläki väestörejistreerattu Ruottissa.

Kuinkas vaali toimii?

Sie saatat äänestää etukätheen alkaen 26 elokuuta aina vaalipäivhään asti.

Rekiuunivaltuuston vaalit piethään 13 syyskuuta, samana päivänä kun valtiopäivän ja kunnan vaalit.

Kun äänestys on valmis, alkaa äänitten räknäys. Valtiopäivän vaalit räknäthään ensiks, sitten kunnanvaltuuston vaalit ja viimeks rekiuunivaltuuston vaalit. Preliminääri vaaliresyltaatti julkasthaan samana yönä Vaaliviraston verkkisivula, val.se

Lääninhallitu räknää äänet, päättää vaalin tulokset ja jakkaa mandaatit rekiuunivaltuustossa.

Sie saatat lukea lissää vaalista Vaaliviraston verkkisivulta.